






襄城縣志

此圖每方十里



交野界

交西縣界

交界




二

褒城縣志



北塢圖 上聯北塢 下聯南塢









襄城縣志

址填諸山圖  
漢水圖  
山河堰圖附



襄城縣志

漢水圖二  
蘆水圖





襄城縣志

江漢

柿子海

兩河口

金華寺

天池子

西沅河

黃草坪 蕪山

新集

南堤

縣水齋

鑽天坡


三門子

銅廠

雲家河

八

錦屏山



褒城縣志叙

余蒞褒城踰半載徧索縣志不獲今春乃得見乾隆  
丁酉署縣事蕭君興會與邑人歐陽文學所輯縣志  
鈔本其序言明宏治及嘉靖時有龔塤張棟兩次修  
志並燬無存 國朝康熙中邑人許欲鉉創有志稿  
蕭志本此分爲輿地建置食貨官守人物藝文六冊  
而篇簡殘脫其幸存者又多牽附今取府志參考之  
爲圖考二表三志三傳二山縣無藏書邑人士又不  
肯以所覩聞來告姑以余所識憶者刊其謬補其漏  
褒城縣志

卷一

志叙

得十之二三要於沿訛踵陋尙望博雅君子糾正之  
道光辛卯桐城光朝魁記

鶉首之躔施於鶉尾背鳳腋沔郡城鄰比廣橫一同褒  
四百里驛程遞三偉歟南紀述疆域圖考第一

七盤天險雲棧達秦兩角南聳遙控巴垠褒廉迢迢胥  
滙漢津渠洩堰瀦澤被黎民述山川圖考第二

有夏同姓褒國肇封延商訖周綿祀實隆秦披其壤掘  
楚蜀衝郡邑迭建有屹爾墉述沿革表第一

鄼侯治國轉餉給軍叩通褒斜漕輸道均有宋魏公宰

邑仁勤誰嗣善政惟教養是循述職官表第二

旱麓榛楛豈弟作人廉讓之間清德宣聞歷禩造士式武式文述選舉表第三

繫惟漢陽都尉所治連城山麓山河堰西衙庭聿煥燾序有儀鄉亭里社橋梁廟祠述城署志第一

厥田沃衍民務耕織租稅如期官師無忒兵以衛民營伍必飭述食兵志第二

金石所鐫錄自漢魏古蹟煙迷遺基星碎土植亦繁偶標嘉異述文物志第三

褒城縣志

卷一

志叙

二

南鄭之固成固之騫裒與壤接云胡罕傳往者難稽邇多英賢述名人傳第一

二南之化風行漢廣爰茲女士節孝勿爽述列女傳第一

疆域圖考

星野漢中屬翼軫分野 漢地里志以漢中本屬楚地  
係翼軫分野但漢之漢中郡包有今之興安鄖陽二府  
當屬翼軫無疑若今漢中之鳳縣本漢武都之故道畧  
陽本漢武都之沮縣寧羌兼得漢廣漢之葭明此三州  
縣可入井鬼秦分至褒城等縣仍當屬翼軫星次舊說  
並謂當屬井鬼爲秦分野然自漢至宋漢中未嘗與雍  
涼同部自元始隸陝西行省耳若晉天文志漢中入參  
九度爲益州分野則與巴蜀同躔唐天文志旣曰東井

褒城縣志

卷一

疆域圖考

一

終柳西南盡巴蜀漢中之地又曰自漢中東盡華陽與  
鶉火相接則侵入周鄭之分今依漢書爲正

褒城在京師西南三千五百里陝西省城西南一千里  
漢中府西北四十里南北袤四百餘里北棧橫澗約八  
十里近城北壩橫澗六十里漢南南壩橫澗百里

東九十里至城固縣西九十里至沔縣南二百二十里  
至四川南江縣界北一百八十里至留壩廳

正北一百三十五里武關河西北一百四十里天心梁  
並與留壩界東北一百七十里五道梁與城固界正東

二十里雙橋鋪東南二十五里栢鄉村正南八十里白  
土嶺並與南鄭界西北八十里雲霧寺正西四十五里  
射鴻臺西南一百里汪家山並與沔縣界西南二百二  
十里西流河與寧羗州界東南一百四十里小壩塘與  
四川南江縣界西南二百五十里綿纏溝與四川廣元  
縣界

鄉村北四壩曰打鍾壩去城十里二有鄭家營張家營武家

壩周麻橋打鐘寺魯家營上清碣諸村珍寶壩去城十五里

有孤山寺長寨周家營馬家巷諸村賈村壩去城十五里三有

褒城縣志

卷一

疆域圖考

二

張家高家馮家王家楊家周家等村西北曰牛頭壩去城十五里  
五野有牛頭寺丁家莊史寨余家河段家壩新街子雲  
霧寺諸村

南八壩曰葦池壩去城十五里有馬家溝立鳳寺乾龍洞一

碗泉李家灣龍家溝張家臺諸處小沙壩去城十五里有龔

家嶺板橋子十字路玉泉查家菴黃息寺諸處石窟壩

去城六十里有鶴騰岩白馬廟汪家壩李家山馬家灣等處

高臺壩去城七十里有李家臺羅家集蔡家坎歐家寨等處

最南曰消停壩去城八十里有協稅集旱龍壩三官廟南路

寺瓦霧等處水南壩去城八十里有張溪溝華山溝真身洞

沙河集即新集諸村七里壩去城百里有蘆水南有黃官嶺竹壩子

雲家河連水縣團堆寺諸村西南曰鉄峪壩去城百二十里有

鋼廠蘇木山打滾場楊家河大小沙河黃草坪西流河

諸村北棧馬道司去城九十里有太平場飛仙溝焦岩鋪

武曲鋪馬皇溝青橋驛麻坪寺將軍鋪等處

屯寨舊本寧羌衛之左右前後所也今為衛里東曰宗

營鎮即宗家營距城十五里統河東店東鄒寨東范寨東張寨伍

寨又東曰九嶺距城五十里統馬家村伍家村路家河傅家

褒城縣志 卷一 疆域圖考

三

嶺漢王廟王家莊張家灣西曰紅廟寨距城五里統柴寨小

寨西鄒寨金寨又西曰老道寺距城二十里統龔寨大周寨

即侯寨陳寨西范寨又西曰海棠橋距城十五里統丁寨吳寨

紀寨孟家山又西曰射鴻臺距城四十里統牛寨史寨許家

街扭項鋪又西曰雷家坪距城四十五里統杭寨魏寨石寨杜

寨南曰長林鎮即長寨距城二十里統楊寨季寨小周寨谷寨又

南曰雍池壩在漢江之南距城四十里統雍東寨雍西寨慕

讓寨慕雅寨舊稱三十六屯者均在附城左近今分為

衛里四曰元亨利貞詳食兵志

驛傳曰開山驛在本城舊青橋驛城北五里馬道驛城北九十里

里並詳食兵志中

鋪舍曰總鋪在縣治西大江鋪南二十里栢鄉鋪西二十里

新定鋪北十五里堡子鋪北三十里青橋鋪北五十里二十里鋪

北七十里馬道鋪北九十里武曲鋪北一百一十里焦岩鋪北一百一十里

棧道由褒城至寶鷄為連雲棧即北棧也舊志斜谷至鳳州界百五

十里棧閣二千九百八十九間板閣二千八百九十二間蓋指鳳州以東非謂褒鳳間也舊褒境直

接鳳境今自縣城北一百三十五里與畱壩交界明宏

治間重修自鷄頭關起棧閣八十五間前一里至石洞

褒城縣志

卷一

疆域圖考

四

橋閣三間一里至石嘴七盤棧閣七十二間七里至獨

架橋棧閣一百四十二間上阻石崖下臨龍江最為險

峻嘉靖二十三年縣令張庚去編棚砌以甃石三里至

倚雲即響水灘棧閣五十一間前有石佛灣盤龍塢二

棧共八十五間七里至老君崖棧閣三十五間四里至

堡子鋪棧閣六十間四里至飛石崖棧閣一百四十五

間一里至閭王礪棧閣一百二十間最險三里至架雲

棧閣九十二間八里至逍遙即青橋十七里至三岔鋪

橋棧閣十間十里至順平棧閣三十四間十里至甜竹

礮棧閣三十六間三里至馬道驛南一里橋棧閣二間

邑人李瓚鑿石爲之五里至燕子礮棧閣六十一間

巨石橫江濼崖澗嘉清

二十八年主簿伍魁捐金甃砌爲二十四洞焉二里至鳴玉卽籛箕礮棧閣六

十八間二里至虎頭關棧閣三十八間一里至上天橋

棧閣五十八間三里至武曲橋棧閣三間一里至火燒

礮棧閣一百二十一間一里至碧霄棧閣四十五間二

里至石梯棧閣一百二十五間七里至青雲卽臙魚溝

橋棧閣三間數十武至臙魚潭棧閣三十六間褒之修

輯止此自是而北爲焦岩鋪鐵佛寺接畱壩界矣自萬

### 褒城縣志

#### 卷一

疆域圖考

五

應甲辰知府崔應科同知張光宇通判趙文蘭推官李

俸修連雲棧道 國朝康熙三年巡撫賈漢復重加開

修二十八年總督葛思泰復踵修之乾隆三十年請

帑大修嘉慶十六年巡撫董教增奏請發 帑修理而

巡撫鄂海籌欸發漢鳳兩府當商生息以備州縣輪修

歲費焉

顧氏方輿紀要褒斜谷中宋時有棧閣二千九百八

十九間元時有板閣二千八百九十二間明洪武二

十五年命普定侯督軍夫修舊路自褒城縣起鷄頭



棧八十間至石洞棧三間石嘴七盤棧九十一間七盤下橋棧

十五間獨架橋棧二百四十間倚雲棧五十一間石佛灣八十間

五間獨架橋棧二百四十間飛石崖二百八十間閔王碓二百

二十間架雲九十二間石碑口十二間眼棧八十間青橋

鋪三間曲欄六十間馬橋鋪十間順平棧三十四間道

遙棧五間登空棧八十二間三岔鋪三間河底棧六十二間甜竹碓

三十八間亭棧半坡五十八間燕子碓六十間滴水橋百二十一

間即火燒碓武曲鋪二間鳴玉棧二十六間虎頭關三十間盤

虎棧百十五間青雲棧三十六間碧霄棧四十五間焦崖

褒城縣志

卷一

疆域圖考

六

鋪四間黑龍灣七十一間飛仙閣三十二間石溝橋十一間八里關十二

三間雲門棧二間登坡棧五十間安山灣八十五間青陽棧

十五間共棧閣二千二百七十五間明成

化中余子俊撫陝開南山道直抵漢中以便行旅未知

只是褒谷否

本朝何知縣耿繩縣圖說褒邑所轄漢江南北開方計

以道路方每十里縣地敬斜犬牙相錯縣治建於連城

山麓烏龍江潯古褒國地北即連雲棧為出關門戶是

曰北棧南歷沔寧以達川滇是曰南棧城設東南北三

門東渡烏龍江至郡城西至沔縣皆平原坦途南過長  
林鎮渡漢江陟中梁山至南壩高臺寺協稅集黃官嶺  
廉水縣等處周匝沃壤錦塍五六萬畝合邑膏腴以此  
爲最黃官迤南路通川省廣元南江巴州跬步皆山路  
徑叢雜防範爲要設巡檢把總駐防又黃官嶺西南鋼  
廠土地嶺西流河通寧羌廣元軍興時曾設卡於寧羌  
之張家山板倉壩以禦川賊並於鋼廠設守備鎮之事  
平裁撤東南一百四十里越南鄭縣至小壩塘米倉山  
一帶路通南江官倉坪及通江西河口有未闢老林更  
爲扼要現駐汎兵焉縣北連雲棧九十里歷馬道驛駐  
有驛丞營弁又四十里至武關河交畱壩界兩山層疊  
一線蟠護川藏摺報差務絡繹值夏秋驟雨山崩石墜  
溪河漲塞頗虞阻梗架橋開路歲輒頻煩由武關河西  
三十里太平場山田無幾人煙稠密北去四十里歷畱  
壩菜子嶺交鳳縣鐵爐川界老林相近亦爲要隘又西  
三十里天心梁交鳳沔黑河界間有未闢老林皆奧區  
也縣西北七十里雲霧山爲最高山路陡窄層巒疊嶂  
北去八十里至黑水金牛廢縣地瘠石磧山民皆貲包

穀洋芋爲食正西接沔縣余家河界亦皆高山大嶺並無老林又縣西南老道寺海棠橋丁家山等處與沔縣黃沙驛接界其間稻田寥寥惟恃小麥地頗肥美人戶繁密羅卜營侯寨長林鎮亦稱繁庶衙宇相接濱臨漢江皆平原沃土也

新圖備說舊圖所載道路山川志或不其何氏新圖加詳焉今析圖爲北棧北壩南壩三分並據圖

詳叙按圖縣城北最著者曰麻坪青橋馬道武曲縣南

曰長林踰漢水而南曰高臺新集踰廉水而南曰黃官嶺此其要地通津也西則光頭山雲霧寺牛頭壩亦走

集所也踰襄水而東則馬皇溝打鍾壩爲最著焉

褒城縣志

卷一

疆域圖考

自縣城北上鷄頭關歷將軍鋪至麻坪寺爲北棧自

麻坪寺北涉沙河歷虎家鋪十二眼溝至於青橋驛由沙河北而西歷鑽溝至於佛爺坪自青橋驛北涉河

爲青橋鋪二十里鋪仙人溝七里福至於馬道驛丞駐焉自馬道驛北過樊河橋沙河灘燕子福至於武曲

鋪馬道之西曰西溝溝上爲七道村自武曲北歷飛仙溝焦崖鋪鐵佛殿至於武關河武關之北有百花溝

太平場與雷壩菜子嶺界太平場西通竹壩子又與黑水廳縣接武曲之

西走九條灣抵紅岩溝與畱壩天心梁界

縣城南二十里至長林鎮踰漢水歷猴子嶺龔家嶺板

橋子潘家壩至柳堰子踰廉水南歷協稅集蝦蟆堰鴛

鴛溝白土嶺羅帳塘至小壩塘北距縣城百四十里交

四川南江縣陳家峽界

小壩塘東亦有漢王城黃草坪等地

長林之西爲

陳寨侯寨羅卜營長林之東爲谷寨湯寨小周寨季寨

楊寨自長林踰漢走土地嶺張家溝石灰窰口彭家河

坎亦通於柳堰子自長林踰漢歷賈村西爲雍東雍西

慕讓慕雅四寨至於柿子溝與沔縣阜川交界 高臺

褒城縣志

卷一

疆域圖考

九

寺自長林踰漢水而南在縣正南七十里南八壩之總

區也 新集在高臺寺西十里籍隸南鄭左右前後皆

褒城地也在廉水內爲六達之市東通高臺東北歷馬

家溝通葦池壩東南爲水南消停二壩西北至兩河口

卽廉水之北源也新集西走張溪溝稍北歷金華寺陡

堽子至於杜家溝由張溪溝西歷大河壩黃草坪

黃草坪北

池子蘇木山至於打滾場由大河壩少南歷鑽天坡竹

壩子折而少北至鋼廠

鋼廠西爲土地林

又折而北至西流河

距縣城二百二十里交寧羌州板倉壩界 新集西南

歷古廉水縣至三門子卽廉水之南源也與北源並流而合於新集之東由三門歷雲家河栗樹坪又西至於王家寨交四川廣元界 黃官嶺自高臺踰廉水而南在縣城正南百有十里分司駐焉折而西過鯉魚壩又折而南至塘口子又折而西逕大石埡少南逕小石埡紙房壩于溝河胡葉坪至綿纏溝東北距城二百五十里交四川廣元縣張家山界 黃官嶺東北逕團背寺梁家營通協稅集 黃官嶺東南至流斯河交南鄭界自縣城西歷紅廟寨柴寨金寨老道寺龔寨海棠橋紀褒城縣志

卷一

疆域圖考

十

寨扭項鋪牛寨至於射鴻臺爲入川大道交沔縣上人橋又交南鄭新街子界

縣城西十里曰李家灣走段家壩牛頭寺東史寨是爲牛頭壩又西爲杜寨王家坪西小寨史家灣 牛頭壩

少南爲吳寨張家廟石寨魏寨杭寨其地皆接沔縣

由牛頭壩而西少北走石山子塔泉子至於土地嶺其東

爲菜子嶺西爲頭道河卽青橋沙河所發源也亦西接沔縣

之余家河 自頭道河走十八灣二道河北歷雲霧寺

其東爲七道上獅子崖至於光頭山其東爲皂笠壩獅

梯及分水嶺

通志由光頭山而北走金牛廢縣至黑水廢縣幾八十

里金牛黑水道中有何家溝

褒水自武關河入縣爲黑龍江經十數折其在褒水東者北

自線家壩馬道東溝與畱壩界迤南爲馬皇溝兩岔河

蔡家坡老張溝與城固五道梁界自是而南曰銅鼎寨

漢王城張家院三羊寺駱駝坪韓家莊薛家莊馬家村

武家村漢王廟立石子北門口與南鄭天台山界

自縣城東踰褒水逕河東店東周寨稍南逕東張寨東

范寨至宗家營交南鄭二十里鋪界此入府城大道也

### 褒城縣志

#### 卷一

疆域圖考

十一

褒水山河堰東有瞿王張冉四家營焉褒水東由打鍾壩歷鄭家營栢鄉村與南鄭龍江鋪界而漢水亦自此入南鄭境矣

縣境東北馬皇溝五道梁與城固共之東南栢鄉村正南新集廉水舊縣與南鄭共之西北二道河頭道河西南柿子溝鋼廠與沔縣共之正北武關河紅崖溝火燒店西北天心梁與畱壩共之正西西流河與寧羌州共之此皆地之犬牙相入者也

正東過黑龍江五至周寨又二十里韓家莊交南鄭縣

界平原坦途東南過黑龍江里十五至范寨里又十二

里鋪交南鄭縣界為赴府城坦途正南里二十至長林

鎮渡漢江又山路里十至土地嶺里五又二十高臺寺里三十

黃官嶺里二十塘口子里三十白巖河里三十高阡壩里六十

土地嶺里三十兩河口交四川南江縣界山險林深川

陝要隘正西里十五至老道寺里五又二十射鴻臺交沔縣

界平原大道川陝驛程西南平原里三十至侯寨渡漢

江里五十至雍東寨里二十慕雅寨里十柿子溝交沔縣界

鄉僻小路西北里三十至牛頭壩里三十土地嶺里三十雲

褒城縣志

卷一

疆域圖考

十二

霧寺里四十竹埡子交沔縣界路極險峻止可人行正

北棧道里十至鷄頭關里五又二十麻坪寺里五又十青橋驛里十

青橋鋪里十二十里鋪里二十馬道驛里十五武曲鋪里十飛

仙溝里十鐵佛殿里五武關河交留壩廳界川陝棧道驛

程里十 載府志但高阡壩竹埡子  
處未詳所在附錄於此

本朝党崇雅賈大司馬修棧記畧曰自五丁開徑數千

年於茲明季逆寇橫肆秦蜀道梗今天下一統西服朝

宗必以棧道為咽喉務使關成坦途尚書賈公因捐金

募工指授方畧進關南分廵使范公發愚而謀之乃命

參戎李君承恩司李會君王孫董其事修險堧凡五千二百丈有奇險石路二萬三千八十九丈有奇險土路一千七百八十一丈有奇險偏橋一百一十八處計一百五十七丈去偏橋而疊石以補之自江面至岸高三丈許共長六十五丈二尺凡十五處修水渠一百四十五道燬石三十二處共一百五十六丈六尺去當路山根大石二百八十九處壘石木闌千一百二十三處凡九百三十八丈有奇合用營兵驛夫民夫各匠積六萬九千八十三工不三月告竣以雲棧地連漢鳳二郡寶

褒城縣志

卷一

山川圖考

十三

鷄鳳褒城三縣綿亘六百里一舉而蛇盤狙杙之區無尺寸不坦若康莊誠不朽盛事也

刻石一置鷄頭關一置煎茶坪賈公又自

爲觀音編記見文物志

宋琬棧道平歌君不見梁州之谷褒與斜中有棧道干雲霄仰手可以捫參井下臨長江浩汗洶波濤大禹胼胝恐未到帝遣五丁開神臯巨靈運斧地維坼然後南通巴蜀西羌髻虵盤榮紆六百里千迴萬曲綠秋毫懸車束馬弗克以徑度飛騰絕壁愁猿猱漢家畱侯真婦女烈火一炬嗟徒勞噫嘻三秦之人困征戍軍書蠹午



如蝟毛銜枚荷戈戟轉粟窮脂膏估客爾何來萬里競  
錐刀須臾失足幾千仞猛虎蝮蛇恣貪饕出險灑酒始  
相賀燐燐鬼火聞呼號泰運開尚書來恩如雨露威風  
雷一呼集畚鍤再呼伐薪柴醇醴澆山萬夫發坐看巉  
巖削盡爲平埃噫嘻乎益烈山澤四千歲火攻莫救蒼  
生災昔也商旅魚貫行今也不憂狼與豺昔也單車不  
得土今也康莊之途足以走連轡僂僂巴舞貢天府桃  
笙竇布輸叩棘歌幽風擊土鼓賈父之來何晚哉豐功  
奕奕垂萬禩經濟不數韋臯才中朝衮衣待公補璿璣  
褒城縣志

卷一

山川圖考

十四

在手平泰階西望劍閣高崔巍側身欲往空徘徊大書  
深刻告來世蛟龍岌業磨青崖金穿石泐陵谷徙我公  
之功不與伏波銅柱同塵埋

唐孫樵興元新路記畧自郿南至臨溪驛登黃蜂嶺及  
漣嶺由無定河至松嶺驛登八里坂連雲驛五里嶺  
平川驛有關北爲臨洮南爲河池入關皆閣路至白雲  
驛芝田驛仙岑雖閣路皆平行至鳴崖二十四孔閣有  
石刻云褒中典閣主簿王顥漢中郡道閣縣椽馬甫漢

中郡北部督郵迺通都匠中卽將王胡典知□縣匠衛

績教蒲池石佐張梓等百二十人匠張美教襄中石佐  
泉疆等百四十人閣道教習常民學川等凡七十字其  
側曰太康元年正月二十九日案其刻乃晉武平吳時

蓋嘗由此路耳考蒲池晉縣名屬漢中郡此路經襄中至蒲石佐則非與襄無涉者又行

至青松驛小雪嶺山輝驛長松嶺迴雪驛平樂坂福溪

黃崖盤雲驛小嶺雙溪驛天苞嶺閣道至嶺上望興元

烟靄中也下至文川驛靈泉驛長柳店至興元平行三

十里至褒城縣與斜谷舊路合矣此路節度郭公所開蓋即斜谷也唐書洋

州北為路谷南為嶺谷疑即今小河口至魏川路耳此路先至興元平行三十里至褒城時縣治打鍾壩正合

### 褒城縣志

### 卷一

### 疆域圖考

十五

此里數矣此棧道不由褒谷者

宋雷簡夫白水路記畧至和三年冬利州轉運使李虞

鄉以蜀道青泥嶺舊路高峻請開白水路自鳳州河池

驛至長舉驛五十一里有半以便公私之行明年與屬

官劉拱李良佑商應王令圖等作閣道三千三百九間

郵亭營屋綱院三百八十三間減舊三十三里廢青泥

一驛除郵兵驛馬一百五十六人騎李君遷去繼任田

諒成之嘉祐二年以狀上此路由鳳直達畧陽較由褒沔者捷三日亦不經褒谷也

右一記附此以徵棧道之別者

山川圖考

縣北十里曰七盤山上為鷄頭關

昔設巡檢司今廢

有大石自

麓至頂層稜兀出狀如鷄冠故名自北而上迴旋七轉

故曰七盤頂有風洞唐孫樵云登七折之峻陔陟鷄幘

之嶮巖邑令張庚立關南鎖鑰坊又北四十里曰青橋

山山殊險峻緝木以度又十里曰松尖山又北十里曰

石尖山石峯挺出與松尖相對又北二十里曰馬道山

高低起伏俗稱二十四道馬鞍橋山之東溝巨石上宛

有馬蹄因建驛以為名焉驛北曰鳳凰山山峯翼起如

褒城縣志

卷二

山川圖考

一

鳳斯飛上有廟又北少西三十里曰石笋山山峯如笋

又北十里曰橫當山東西橫截乃雲霧山之北界曰四

州山與武關驛相對登之見褒沔洋鳳山半有寺

縣治西北一里曰伏虎山以形名

俗曰饅頭山

又西北六里

曰連城山相傳漢王練兵處有十二峯相連如城上有

龍潭飲馬泉山後為雞翁山突起一峯唐温造赴興元

至此遇雨禱之霽奏聞封山神為侯又西北四十餘里

曰雲夢山

牛頭山後

頂上平坦有雲臺觀觀東一里為飛仙

崖

相傳有女飛升於此

崖下有白龍洞高五丈濶倍之下有石池

二水自上滴入池中無盈涸旱禱則應觀西有巨石形如龜又西爲青龍洞有石池三水亦自上滴入從洞口流出又後有聖水洞石井深丈餘水從底峽中流出觀南有峯石刻字云牡丹坪觀北山半池中有石如釜渚水不涸又其西北二十里曰雲霧山有崖高百丈橫數十步崖畔有水痕爲黑白龍形者各四天矯懸挂雲興卽雨有隱仙遺跡是山蓋與沔縣界連舊志有臘燭山一雲板鑄每樂山字形如覆甕俱雲霧山之支峯又照壁山岡陵陽迤筆峯陰起亦與雲霧山通

縣北東十五里曰銅鼎山與鷄翁山相對三峯鼎峙故

褒城縣志

卷二 山川圖考

二

名崖畔有洞錯列相傳有翼虎伏洞爲害一異人持劍入洞斃之今劍尚在石窟可攝不可

拔名曰飛虎洞迤南與釣魚臺對者曰鐵屏崖烏石稜層三峯擁峙奇勝可賞又東北五里曰天成山銅鼎山後峯

巒起伏長三十餘里

縣西二十五里曰牛頭山見唐書地理志峽有巨石如

牛口吐泉可以漑田欲雨則雲覆又名戴笠山頂有風

洞風將起內聞吼聲甚厲或以物投之旋卽鼓出又二十五里曰石人山上有

石峯形如人舊謂縣西三十里有箕山府志謂在縣北二十里卽七盤山下石門道矣

縣南三十里曰中梁山唐書在南鄭縣層擁高陵勢若

積穀爲褒之屏山與南鄭接壤

南北往來有三道東曰

其上易曰相公嶺中曰土地埏西曰石梯口石梯崎嶇自南而北若下井自北而南如登天岩半有巨石鑄字

起形似覆盆曰大孤山迤東對相公嶺屹立兩河口

者曰小孤山蔚然深翠又南十五里曰天池山上有穴

名氣眼亦名風洞春夏出風秋冬騰白氣又南五里曰

大壺山又南十里曰覆斗山俱以形名

左有金星山

又南二

十里曰立石山頂有六石如人指壁立無心搖之則動

又有雙山兩山橫列峯巒峻麗又南十里曰青銜山虎

頭山雙乳山並以形名金華山與南鄭接壤外望之如

褒城縣志

卷二

山川圖考

三

蓮花參差內徑平曠山半有洞

相傳龍蟄處

山下出泉溉田

又南三十里曰孤雲兩角蓋卽大巴山之所包也語曰

孤雲兩角去天一握此山與南鄭接壤路通巴州兩峯

對峙行人三日始達又南七十里曰玉映山明嘉靖時

旱鄉人禱雨山麓有石竇上有鑄字曰玉映山麒麟洞

入洞行數里見岩溜下垂凝若玉柱又歷數門始及泉

汲水出果大雨蓋若有神人指示云

縣西南九十里曰馬鞍山以形得名又西南十里曰汪

家山一徑盤折東爲南鄭之新集西爲沔縣之阜川又

西南十里曰寶頂山產芝曰華山根盤百里雲布卽雨又西南二

十里曰仙臺山昔云神女居之考南鄭有仙臺山一名玉女山一曰卽米倉山與大巴山相連

又西南有朝龍山山半有仙人石衣褶宛類仙裝廣山頂有寨可屯數

千人雜齒壩在此

其以岩名者南曰鶴騰岩在中梁山西南三岩相接狀

如畫屏岩半有三石洞深邃叵測曰藏劍崖在縣東南

二十五里日月崖在縣西南百二十里岩形似月其滴

水崖老君崖燕子崖皆棧道之所徑也藏劍崖相傳漢高故蹟

其以峯名者北有龍峯有石如龍首臨褒水如吸浪然

褒城縣志 卷二 山川圖考

四

明御史季復初名之曰龍峯吸浪東有寶峯削出如金斗

其以嶺名者西曰赤谷嶺谷石皆赤色或曰執笏嶺韓信謁漢高於此

曰旆杆嶺走馬嶺皆相近相傳漢高故蹟南曰火石嶺石皆火

色西有九節嶺與石人山接有土地嶺三一在中梁山

一接雲霧山一在鋼廠西

其以洞名者北曰魚洞在七盤山下有穴如斗水涓涓

流於江自清明至穀雨魚從穴出邑令張庚題曰魚洞留春殆卽嘉魚出於

丙穴者歟又迴水洞在縣北焦岩鋪南石崖下褒水一脉潛

入穴中東出城固壻水河以水之清濁知之西有仙人洞去縣治二十五

里洞臨漢水中多佛像窟四又牛頭寺後有千佛洞洞  
口爲涼風臺

西南有乾龍洞去縣治五十里娑羅關正南洞高數丈  
深數十步內有小溪自北壁下流繞行洞底左右石牀  
相向內有靈泉可致雨禱者執火入約行三十里可達

華山洞其中飛鼠如鳩華山洞高大深邃內有湫禱雨卽應南有玉女洞

在中梁山南麓下傳有玉女白日飛昇洞門高廣涼颼颯然外繞

溪流從峽下懸爲瀑布左有一穴如甕土人常見巨蛇  
出入穴中其灘深且濶人以灘之開淤驗歲之豐歉又

襄城縣志

卷三

山川圖考

五

數步爲玉女泉合溪之流以溉田對峙山半有竇名龍  
王洞又真身洞在金華山蝦蟆石之南從石門委宛而  
入內空而坦真身飾以金榜崖立龕而坐中有佛殿三  
楹林木籠葱澗流澆澗最爲幽勝傳昔詳縣令張某解官寂定於此

其以坪名者北曰麻坪有小市九石坪山中可種九石

五郎坪在青橋佛爺坪在沙河西牡丹坪在雲夢山南曰

金水坪在鐵略壩東有駱駝坪有石駱駝二有黃草坪一在西南一在

漢水發源於寧羌州北之蟠冢山初名漾水合沮水濫

水東徑沔縣城南曰沔水左合渡水黃沙水至扭項鋪入褒城界華陽河南流注之華陽河發源牛頭山南流

與漢水合漢水又東徑褒城縣南二十五里與褒水合

又東入南鄭境又南流合廉水自是沔漢通稱矣褒水

源出太白山靈湫漢志褒水出武功衙嶺武功今為郿縣衙嶺在郿縣西南三十里括地志

斜水出褒城西北衙嶺山舊志遂謂衙嶺在褒城非也衙嶺即靈湫耳逕留壩廳合紫金

河紫金河合魏川蒿壩留壩武關小南河東北入褒城逕馬道驛馬道河

發源驛西山峽中一名寒溪又名樊河合大小東西溝水注於褒

水一名黑龍江褒水又屈曲東而南逕青橋驛青橋河水自

褒城縣志

卷二 山川圖考

驛西北來注之褒水折而南至虎家鋪沙河自雲霧山

分水嶺東流注之褒水又南逕鷄頭關下出平原過褒

城縣東門流二十餘里至打鍾壩珍寶壩間入於漢其

支流東分為山河大堰及第三堰以溉南鄭褒城之田

廉水源發西南古廉水縣山中有二源北源自兩河口

雙股並發南源自三門子稍長東逕新集合流俗名鷄

子河以形似名也又東逕高臺寺至於柳堰子之南協

稅集之北入南鄭界東北流去府城南四里入於漢沿

河作堰溉田數萬畝水利與褒水埒舊志廉水出巴山高謙嶺廉泉出大



巴山密谷又北有石溝河發源武曲東入褒水北畚河在馬道西流入寒溪西南有石板河石板布堰蓋古蹟也

其以泉名者南曰凉水泉出中梁山與玉女泉合又碧玉泉在縣南五十里池廣一畝深莫測投物其中色碧如玉嘗產靈芝亦名芝泉居民斃石分九渠灌田數十頃泉北曰玉女嶺有廟曰靈澤又縣南七十五里有玉泉平地湧出水色如玉鶴騰泉發源中梁山二穴湧出南注溪有天成石渠平分二渠東西溉灌名天生堰餘水還峽下鶴騰岩爲瀑布一曰雙泉出中梁山峽中兩

褒城縣志

卷二

山川圖考

七

泉並湧下溉民田

古語曰白馬飲雙泉黑羊來種田五株銀杏樹亘古不知年

西南

曰一碗泉在葦池壩山崖下湧珠泉在火石嶺下平地

金泉在雍池壩廣山之陰方圓丈餘冬夏不涸三泉並

列沫跳如珠沒底泉水清深莫測馬鞍泉源出馬鞍山

東流與廉水合其去城較近者東南十里神惠泉西十

里曰黑溝泉在連城山下

舊志有木龍泉在南四十五里烏龍泉在西三十里瀑布

泉在北三十五里

其以溝名者東一里許曰瀝水溝南四十里曰五道溝

自立鳳寺西北度中梁山凡經五渠

又南十里曰龍崖溝又南十里曰沙

溪溝又南十里曰冷水溝泉出山谷夏伏清冷又南十里曰章溪溝其在縣北八十里者曰仙人溝褒水兩岸石上足跡宛然傳啞姑仙跡

有龍潭二一在連城山左褒水岸測豬水深廣游者或得龍蛻於潭隈時有巨蟹大魚出沒水面一在馬道北石笋山麓叢薄間碧泉湧起廣一畝許遊者坐潭隈戒無聲欬否則清泉變濁矣禱雨輒應連城山上又有池廣一畝或卽飲馬泉馬道北三十里有鴈魚潭南臨褒水潭

深靜冬月魚聚其中又縣東南十里有鹿鳴池傳有群鹿日飲

褒城縣志

卷二 山川圖考

八

池畔鄉民耕地得石枕上刻褒城縣鹿塘鄉云南有五十里有鶴溪山峽流泉注如匹練南七十五里有王母塘豬水汪洋可資溉灌水利馬道東溝南流三里至王母塘則在縣北

褒廉二水均發自褒城而築堤濬渠溉田之利兼被於

南鄭焉褒水分爲山河第一堰一名鐵椿堰今堰久廢

疑卽自北而西導於褒城之野者舊志在褒城北三里鷄頭關下築堰截水

分溉褒田按城北岸高恐不得作堰分渠

山河第二堰一曰山河八堰引褒水溉南褒二縣田相傳

漢曹參所築古刻云巨石爲主宋紹興間利州帥楊庚橫石爲輔橫以大木植以長椿

宜撫使吳璘乾道中宣撫使王爰相繼增修舊堤長三百六十步屢爲水衝 本朝嘉慶中修築石隄五十五

丈加築土堤七十九丈堰之經流首爲高堰經流魯家

營灌田五十畝縣舊志灌田二百六十四畝又東流三里爲金華堰經流

新營村支分小堰七首雞公堰次沙堰次周家堰次崔

家堰次何家堰次劉家堰次橙槽堰灌田共二千五百畝縣舊志作

二千五百畝 第二堰水又東流三里爲舞珠堰經流周家營

支分小堰五首魯家堰次鄧家堰次朱家堰次瞿家堰

次白火石堰共灌田七百畝縣舊志作八百四十四畝 第二堰水又東

襄城縣志

卷二

山川圖考

九

流五里爲小斜堰經流草寺村灌田二百餘畝以上諸

溉襄城民田者第二堰又東流一里爲大斜堰經流在

南鄭龍江鋪分水灌襄城鄭家營田三百畝餘入南鄭第二

堰水又東流五里爲柳葉洞經流在南鄭草壩村分水

灌襄城韓家墳田七十九畝餘歸南鄭自豐立洞而下專灌

南鄭田矣縣舊志小斜堰在大斜堰之下並分左右二渠溉南襄田共二千七百六十二畝而大斜

堰中分支堰五日李家堰二道堰鄭家堰柴家堰盧家

各壩使水田冊核與原額多寡不符姑依陝西通志錄之 至其分段興工軍民夫田

洞口尺寸則有乾隆四年吳同知敦億立碑在府城東

興明寺內其梳洗均水約則有乾隆二十六年滕知府天綬示禁在均載府志水利門此南褒二縣所共遵守

也明郡守崔應科有南褒四六分水記亦謂高堰以下

山河第三堰在第二堰下五里於褒水中砌石截水為堰由堰口東南流二里至三橋洞分二派西流者為西

溝至冉家營灌田三百餘畝東流者為東溝折而東流

七里許至任頭堰又分二派西為西渠灌周家營田三

百畝以上皆褒城田其東流灌南鄭田云府志載東溝經流之處有禱福溝蓮花溝

二小渠縣舊志載有二土堰曰亂石堰党家堰屬褒城嘉慶中南褒民爭水嚴知府如煜勘訊立案詳府志

褒城縣志 卷二 山川圖考

廉水首為龍灘堰在縣南百有十里漑後所壩田八百

五十九畝其水自南兩河口發源而東折北注廉水經

流為馬湖堰在縣西南百里自梁家營築堰灌七里壩

田二百三十畝縣舊志作九百六十畝餘入南鄭廉水又東北經流二十里為

野羅堰灌水南壩田六十畝又東北流三里為馬嶺堰堰首

在南鄭灌王家營田入褒城灌水南高臺二壩田四十四畝舊志作八百餘畝

廉水又東北經流三里為流珠堰在西山壩首灌南鄭新集田

灌褒城水南高臺小沙壩田千四百三十畝舊縣志作千一百三十畝志載

堰水星噴勢若流珠傳為蕭何所築朱嘉祐中史焯乾道中王

素元至正中郝天章相繼重修明嘉靖中褒城監生歐  
本禮濬源導流編竹爲籠實以石置中流限以木椿數

月工竣爲激口七曰鉄峪激韓家激西橋激高平激大

市激玉泉激石牛激有碑記廉水又東北經流六里爲鹿

頭堰首灌南鄭孟家店田灌褒城蕭停壩田千八百畝廉水又東北經

流二十五里爲石梯堰又名柳堰在小沙壩築堤流五里灌南

渡田鄭上水廉水東北又經流一里爲揚村堰築堤蕭停壩

流三里灌南鄭螺螄壩田右馬湖野羅馬嶺流珠鹿頭五堰兼

灌南褒之田石梯楊村二堰在褒城灌田則獨歸南鄭

褒城縣志

卷二山川圖考

也縣舊志有青龍堰在馬湖堰之下溉鉄峪壩田九百六十畝乾隆中邑令曹良督修之

凡南褒公共堰利舊領於水利通判嘉慶中改領於府

經歷遇有兩縣交涉堰務聽經歷司差各堰差堰長事

大與縣官會辦他若中梁之鶴騰泉雙泉玉女泉葦池

壩之一碗泉雍池壩之金泉牛頭山之牛口泉馬道之

東溝華陽之鉄爐堰章溪溝之龍河堰褒沔間之天分

堰引黃沙水南褒間之石門堰引旱山溝水荒溪堰引

荒溪山泉並資溉灌若碧玉泉甃分九渠筒車壩之筒

車堰在縣南百里水低田高置筒車激水溉田尤奇而

縣西又有玉沙堰及鵝鵠堰小不足數也

按志中所載鳳凰四州石筍橫當石尖松尖雞翁雲夢  
銅鼎天成石人天池覆斗立石雙山金華兩角玉映青  
銼虎頭雙乳寶頂仙臺諸山不見於圖而新舊圖西有  
光頭山西南有蘇木山不見於志若青橋馬道諸山自  
各以其地名至中梁之接於南鄭雲霧之接於沔縣此  
灼然可考者而仙臺寶頂雙乳金華立石孤雲並見於  
南鄭殆亦勢相接歟

志中青橋馬道沙河並注褒水餘惟章溪溝見於圖而

褒城縣志

卷二

山川圖考

十一

圖中南有流斯河雲家河干乾河西有西流河東有兩  
岔河亦不見於舊志

楊絳山河堰記畧曰乾道元年四月宣撫使吳公璘朝  
行在上寵嘉之進爵真王仍以奉國節旌移漢中自用  
武以來戎馬充斥民事寢緩公至則曰民以食爲天凡  
以飽吾師強吾圉者民也乃申飭僚吏具詔令之忠厚  
愛民者次第舉行之給和糶之緡停踰時之賦兼并均  
敷悍黠弗貸家至戶到民咸樂業明年春公首訪境內  
浸溉之源其大者無如漢相國曹公山河堰導褒水限

以石順流而疏之自北而西者注於褒城之野行於東南者悉歸南鄭之區其下支分派引周漑田疇之渠百姓享其利久矣每歲鳩工度財以鉅萬計狡獪者贏其財僥倖者嗇其功小夫賤隸並緣爲奸公慨然改作與提刑兼常平使者秘閣張公商確利病偕詣堰所涓曰起役畚鍤如雲萬指齊作乃檄通判史祁俾總督之兩浹月用工若財視前爲省而增護岸之堤數百丈祁會邑宰殫力徃來申畫畔岸以杜分爭校精勗別勤惰人知畏而不擾先是堰水下流惟供豪右輪杵之用公相褒城縣志

卷二 山川圖考

十三

方度宜易地穿渠簡徒授方刻期而就凡以工計者又十萬有奇水利至是能漑三萬餘畝瀉鹵復爲上腴事訖而民弗預惟公爲社稷衛司全蜀之命歷三紀矣建茲保釐功崇位極爲朝廷建不拔之基與黔首垂無窮之福與曹公先後相望千載同心可謂盛德事也

閩蒼舒山河堰記畧曰山河堰在褒城縣北山下圖志載水出太白山南流入斜谷下入褒谷又南入漢江父老傳此堰自曹相國考之史元年四月漢王就國八月王引兵出定三秦留蕭丞相收租給軍建成侯

參始爲

將軍從攻下辨故道明年蕭相國侍太子治櫟陽則此堰疑非蕭曹所親臨然高帝嘗詔蜀漢民給軍事勞苦復勿租稅二歲及關中大饑令民就食蜀漢則漢中餽餉亦夥矣平土上腴必資水利安知三堰之興不出於二公乎由漢訖今梁惟巨鎮世宿重兵取足南畝國初有山河軍嘉祐三年提舉常平史照謂游手擾人罷之令民計畝出工官董其役紹興三年漢中被兵堰事荒矣秋潦猥盛敗堰塞渠下民告疾歲旱尤盛乾道五年上命參知政事相臺王公宜撫四川明年移府漢中一

褒城縣志

卷二

山川圖考

十四

日行堰上慨然乃命知興元府吳侯商度之謹酌民言堰敗當自外增二垠渠堙當競力通之野水衝激當浚以新港出飛漕俾不爲渠病冬十月公命出後府錢幣募民市財積岸明年春正月丁酉役成合六堰一千二百五十步外增二垠皆精堅可永勿壞二渠若新港一萬一千九百四十步悉力浚之因得銅板若角石牘而渠遂復視比歲所修深廣倍之使伐石十板復置渠下以爲識用長歲水夫四千四百六十八人發官軍民兵合九千六百八十一人用堰渠料工凡材木若干人夫



總五十三萬五千八百七十八工自行府出錢鳩材饗犒及帥司賞給有差合計用錢三萬一千三百六十緡其渠港分流爲筒跋者九十有九凡漑南裒田二十三萬三千畝是役也公一再臨視謂賓客曰漢宣防之役將軍以負薪竟塞之天下事功苟以身先無不濟者蓋不特水事也蒼舒以諸從事是役所親見於是書之

按楊

絳記在乾道二年此記在乾道六年疑二役相繼而起者考史璘以三年卒炎以五年任吳侯蓋璘子挺

元郝慶和修流珠堰記畧曰至元十二年三月欽依聖旨提督本部諸軍興元金洋屯田鎮守本司經畧使郝

褒城縣志

卷三

山川圖考

十五

公及郡牧僚佐訪中梁之陽行踏開田有舊渠焉林莽湮塞詢於耆舊乃流珠堰之古渠其灌漑之利甚溥僉議興修是秋八月二十日起工明年四月工畢凡引水六十四里置筒跋四十有六諸屯及軍民均被其利餘波入於漢江

崔應科四六分水記畧曰漢南水利之大者無如山河堰自高堰子迄三皇川爲洞口者四十有八漑軍民田四萬四千八百二十有三上壩與下壩利實共之邇者下壩之民每苦澆灌之難一值亢旱秋成無望萬歷二

十三年司李宋公一韓奉文踏看災傷歷巡兩壩察利病之源酌民情之便定其期限由高堰至李官洞澆田一萬九千六百八十畝臨近官溝注水易議爲四日由高橋至三皇川澆田二萬五千一百四十三畝寫遠注水難議爲六日均爲兩輪週而復始在上者不知其餘在下者無憂不足洵萬世永賴哉宋公去二十八年巡道李公命以其議勒諸石三十一年郡丞張公光宇至以職水利巡隴畝采羣議無如宋公法善議撥田夫分兩班赴上壩洞口宿守防範每輪畢則差役同甲頭封閉焉經畫周以悉矣

褒城縣志

卷二

山川圖考

十六

滕天綬蓄水灌麥碑記畧曰漢南水利肇自前漢蕭曹二公嗣是疏濬修築代不乏人講之詳矣惟是蓄水灌麥從未講及丙寅余守是邦緣地方恆以水利是角遂得轍跡各堰壩洞深晰地勢水利之源更思各堰之水夏秋藉以灌溉水田俾一方免旱災厥功大矣然自秋成之後各堰之水胥於無用切思水之爲利旣可以溉稻獨不可溉麥乎爰謂父老曰何莫因已獲之田播種二麥卽因此見在水澈入灌之不幾田有兩秋乎父

老曰否否古未聞是言也余曰何莫耕稻田數畝撒水灌之以試余言何如父老曰唯是歲庚午冬父老各耕田種麥如余言待來春倍出尋常已有成效士民咸請刻石以誌然查往例每歲春各堰督工修壩引水溉田迨七月間遂棄不問今既蓄水灌麥每年秋冬九月間仍復加修方克有濟此地方永遠自然之利恐事久更弛應如士民請勒之石以垂永久

滕太守定南褒梳洗堰均水約查照慢水橋下梳洗堰及東南二溝田畝胥賴斯水灌溉以免旱傷之苦士民

褒城縣志

卷二

山川圖考

十七

相安已入樂利多年前緣多事之際兵民乘勢掘挖以致東溝田畝數載失收昨於二十六年二月內據東溝民李芬周慶臣魏瀛等又據南溝士民李登朱自貴牛君弼等各訴前來隨委照磨所張文英踏丈田畝本府卽單騎詣勘量地形之高下度田畝之多寡約定水口分寸因酌計議定梳洗堰水口二尺八寸石橋二洞東高溝水口一尺一寸石橋二洞皂角灣水口五尺六寸各安立平木並嚴禁掘挖在案至於上壩自金華堰起至李官洞口止一十四道洞口兩邊各立木柱二根安

設開板便於封閉其放水日期仍照往例上四下六爲  
定其封鎖上壩洞口許下壩之人親自封鎖看守如遇  
山水暴發卽將所封洞口併開以免驟水鼓衝堤堰之  
患今本處水利均沾各獲豐收人心已平遂會懇勒石  
以垂永久相應如其所請永杜爭端可也  
嘉慶二十二年  
修建渠頭  
石門上下左右均砌以  
巨石洞口尺寸仍舊

褒城縣志

卷二

山川圖考

十八

唐沈佺期夜宿七盤嶺詩曰獨游千里外高卧七盤西  
山月臨窻近天河入戶低芳春平野綠清夜子規啼浮  
客空畱聽褒城聞曙鷄

岑參官嘉州刺史與鮮于庶子自褒城同行詩曰劄符  
向西蜀岷峨沙天涯空深北闕戀豈憚南路賒前日登  
七盤曠然見三巴漢水出嶓冢梁山控褒斜棧道籠迤  
湍行人慣層崖巖傾劣通馬石窄難容車深林怯魑魅  
洞穴防龍蛇水種新桃枝山田正燒畚夜猿嘯山雨曙  
鳥鳴江花過午方始飯經時旋即瓜數公各游官千里  
褒城縣志

卷二 山川圖考

十九

皆辭家一笑忘羈旅還如在京華

薛能褒斜道中詩十驛褒斜到處慵眼前常似接靈蹤  
江邊旋入旁來水山谿猶藏宿後峯鳥逕惡時應立虎  
畚田閒日自燒松行吟却笑公車役夜發星馳半不逢  
雍陶西歸出斜谷詩行過險棧出褒斜出盡平川似到  
家無限客愁今日徹馬頭初見米囊花

宋趙抃

廉泉詩歲旱江橫萬井汚廉泉深靜自清

疏伯夷死後泉猶在能使貪人一飲無

明楊一清出連雲棧詩鷄頭關下石杈榭傍險憑高此

駐車一水縈紆通漢沔萬峯迴合控褭斜雲中板閣燒  
難絕谷口篔簹翠欲遮蜀道秦關俱莫論如今四海正  
爲家

甘爲霖過馬道感興詩曰畱春夜館暫停車山壓簷頭  
水沁渠滿鼻異香何處得百花風引上襟裾

張佳印由內閣降謫至馬道驛詩曰馬道驛丞八十五  
身寄西秦家東魯耳聾齒脫鬢如霜出入逢迎狀僵僂  
路接青橋與武關棧道崎嶇無與伍不卑小官有展禽  
不薄乘田有尼父爾心豈是學聖賢蝸角蠅頭良自苦  
褻城縣志

卷二 山川圖考

二十

余也東朝師保臣枉生六十負君親抗章十數不得請  
今始給驛歸梁岷官情見爾如膠漆方信余爲勇退人

舊志謂佳印  
謫驛丞非是

本朝果親王鷄頭關詩不送千門曉昂然七曲山何如  
鸚鵡語伴客出重關

王士正馬鞍嶺詩南下畫眉關遠色疊諸嶺黃綠百里  
間斷齟蔽光景蹇墟疲登降纖路亦修整或厥如連軒  
或植如負屏或如岐陽鼓或如宛胸鼎如鳥或跂翼如  
魚或骨鯁殊狀紛角逐詭類爭一逞峭岸勢欲圻捷足

不遑騁二分垂在外趾歷後人頂飛瀑時界道越壑力  
愈猛人與水鬪爭心目各相警天意限雍梁設險有斯  
境君子履忠信小人懷僥倖永念垂堂言乘危更三省  
又七盤嶺詩七日行褒斜目贖耳亦聾濁浪崩崖垠  
征衣碎蒙茸不知天地濶詎造化功岌然土囊口雜  
幘摩蒼穹磴道上七盤大翻排天風絕頂忽開豁白日  
當虛空褒水出谷流漢江繞其東巴山跨秦蜀蜿蜒連  
上庸川原盡沃野天府如關中橘柚鬱成林稻苗亦芄  
芄襄陽大編來千里帆檣通當年號天漢運歸隆準公  
褒城縣志

卷二 山川圖考

廿

將相得人傑驅策芟群雄一戰收三秦遂都咸陽宮智  
勇久淪沒山川自龍從跋馬向褒國日落煙濛濛又  
閏七夕抵褒城縣詩褒斜十日路白髮忽侵尋紅葉下  
江水始知秋氣深馬驚初出谷城閉不聞砧何處天河  
影浮雲只自陰

王汝驤雞頭關詩征馬鳴蕭蕭澗水流潺潺水流何鳴  
咽馬鳴多哀酸借問客何之言上鷄頭關一綫羊腸路  
裊裊上青天上千仞壁下有百丈淵驚風吹落石洪  
流蕩奔湍危塗無返轡微生寄征鞍靡靡遵木末遙遙

造雲端故鄉杳何許天路安可攀側聽隴頭吟感我涕  
汎瀾

方象瑛七盤關詩鷄頭關前七盤嶺蚓曲蛇蟠纔見頂  
氏中又復度七盤詰屈紆迴勢相引層崖邃谷路轉通  
拾級忽見雲霞空却怪頂觸前人趾不知舉膝當心胸  
寧心息魄詫竒絕萬里山川風氣別一關中斷隴蜀分  
羌笛渝歌乍相接遙望川巴萬點明白雲紫霧還縱橫  
鱗鱗彷彿峨眉雪不知何處錦官城北望京華南望越  
懷人兩地情偏切今朝身入大荒西涼風古驛中秋月

褒城縣志

卷二

山川圖考

廿二



沿革表 歷代史表或年經而事緯或地緯而事經茲以紀事附於沿革故用褚少孫續史表體

唐

虞梁州 禹貢華陽黑水為梁州傳曰東據華山之南西距黑水

嶠冢導漾東流為漢 傳曰泉始出山為漾水東南流為沔水至漢中東流為漢水

浮於潛逾於沔 傳曰漢上曰沔越沔而北入渭水經注西漢即潛水自西漢溯流而屈

於晉壽迤邐而接漢沿此入漾所謂浮潛而逾沔矣歷漢川屬於褒水溯褒暨於衙嶺之南溪水枝灌於

斜川屈於武功而達於渭水

夏梁州

封同姓為褒國君 夏本紀禹為姒姓其後分封用國為氏故有褒氏 有二神

褒城縣志

卷三

沿革表

龍止於夏帝庭而言曰余褒之二君卜請其禱而藏

之

商雍州

爾雅河西曰雍州疏云兼梁州之地

褒國 仍舊

周雍州

職方正西曰雍州疏云兼禹貢梁州之境按牧誓有庸人濮人從伐紂注云雍濮在江漢南

褒國

仍舊鄭語褒姒注褒君名

幽王伐有褒褒姒入於周

晉語王伐有褒三年嬖愛褒姒史記幽王

在檣自夏傳殷及周厲王發而觀之棗化為元龍王宮童妾遭之而孕生子棄之賁壓孤桑服者聞其啼而收之奔於褒褒人有獄入褒姒以贖罪

鄭桓公遺民南奔於褒曰南鄭 水經注南鄭為褒之附庸

赧王三年秦惠文王敗楚師於丹陽史索隱此丹陽在漢中取漢

中郡六國表定王時秦厲公城南鄭躁公立南鄭反安王時秦惠公之季年蜀取我南鄭秦紀作秦

取蜀南鄭至慎觀王時秦滅蜀在戰丹陽之前四年不知何時復分屬楚也然蘇秦傳楚威王言秦有舉

巴蜀并漢中之心則楚有漢中久矣

秦甘茂與魏章定漢中地

秦漢中郡三十六郡之一二世三年六月酈商別將

褒縣褒國不知滅於何時秦置褒縣

漢漢國王巴蜀漢中徐廣曰二十三縣

褒中縣舊志昭帝元鳳六年置存考

褒城縣志

卷三 沿革表

高帝元年正月沛公為漢王王巴蜀漢中項羽與范增謀以巴蜀王

沛公因張良厚遺項伯使請得漢中地

四月漢王就國都南鄭漢王從杜南入蝕中張良辭歸王送至褒中使良還燒棧

道

七月漢王由故道出定三秦留丞相蕭何收巴蜀租

給軍糧食明年何守關中佐太子治樂陽

漢國更為漢中郡治西城領縣十二後

都尉治褒中漢陽鄉漢郡並設都尉漢中都尉分駐褒中舊志謂初設都尉後置縣

未詳

何據

武帝元狩中張卬爲漢中守發數萬人作褒斜道五百

餘里河渠書人上書言抵蜀從故道多阪回遠今穿褒斜道少阪近四百里而褒水通沔斜水通涇

皆可以行船漕漕從南陽上沔入褒褒之絕水至斜

間百餘里以車轉從斜下涇如此漢中之粟可致卬

作褒斜道果便近而水湍石不可漕

元鼎中置益州刺史

改梁爲益部八郡後漢刺史治廣漢雒縣

更始二年劉嘉爲漢中王

光武族兄爲扶威大將軍持節就國都於南鄭衆數

萬十

光武建武二年延岑攻南鄭嘉兵敗走岑遂入漢中走

水天

褒城縣志

卷三 沿革表

三

公孫述遣將侯丹開白水關北守南鄭積糧漢中

六年遣前將軍李通領侯進王霸等擊漢中賊破公

孫述兵於西城

明帝永平六年漢中太守君以詔書受廣漢巴蜀徒

二千餘人開通褒斜道

先是平帝時開子午道廢褒斜

安帝永初二年西羌滇零南入益州殺漢中太守董炳

四年滇零寇漢中燔燒鄜亭大掠百姓於是漢中太

守鄭勤移屯褒中羌復攻褒中主簿段崇諫勤堅守

不從出戰大敗死者三千人段崇及門下史王崇原

展以身扞刃與勤俱死

元初元年西羌號多與當煎勒姐大豪分兵抄掠漢中漢中五官掾程信率壯士與巴中板楯蠻共擊破之

延安四年順帝立十一月詔益州刺史罷子午道通

褒斜路

靈帝光和三年巴郡板楯蠻寇掠三蜀及漢中諸郡帝用漢中上計程包言遣太守曹謙宣詔赦之

獻帝初平二年益州牧劉焉使督義司馬張魯將兵掩

褒城縣志

卷三

沿革表

四

殺漢中太守蘇固斷絕斜谷閣

建安五年張魯據漢中

焉死子璋代立魯據漢中以鬼道教民自號師君長民皆

以祭酒為治

改漢中曰漢寧郡

以魯為鎮夷中郎將領漢寧太守

二十年四月曹操自陳倉出散關七月至陽平張魯

弟衛據陽平橫山築城十餘里操乘險夜襲破之衛

遁魯奔巴中操入南鄭盡得府庫珍寶十一月魯自

巴中將其餘眾降操還留夏侯淵屯漢中漢寧復曰

漢中郡

袁士松云建中二十年復置漢寧郡存考

二十三年劉備率諸將進兵漢中次於陽平關攻張郃於廣石

二十四年春正月劉備擊夏侯淵於定軍山破斬之

三月曹操出斜谷趙雲擊其軍敗之夏五月操悉諸

軍還劉備遂有漢中

秋七月劉備即漢中王位以魏延為都督鎮漢中於

沔陽設壇場陳兵列眾羣臣陪位讀祭訖御王冠

後王建興五年魏明帝太和元年春三月丞相諸葛亮出屯漢

中營沔北陽平石馬趙雲遷鎮東將軍隨亮駐漢

褒城縣志

卷三

沿革表

中

六年春正月丞相亮伐魏揚聲由斜谷取郿使趙雲鄧芝為疑軍據箕谷

八年秋八月魏寇漢中丞相亮次成固赤坂魏師還

十年丞相亮休士勸農於黃沙作流馬木牛畢教兵

講武是年魏造閣道

十一年冬亮使諸軍運米集於斜谷治斜谷邸閣

十二年魏青龙二年春二月丞相亮由斜谷伐魏秋八月

丞相亮卒師還前鋒魏延徑歸燒絕閣道據南谷口

軍散逃奔漢中長史楊儀遣馬岱斬之吳壹為車

騎將軍假節督漢中 壹本作懿

延禧元年冬十二月大將軍蔣琬屯漢中 開府就加大司馬

六年遣前監軍王平督漢中 琬還任涪

七年 魏正始五年 春三月魏曹爽寇漢中費禕督王平劉

敏諸軍救之魏軍退走

十一年五月大將軍費禕出屯漢中

景耀元年十二月詔漢中督胡濟兵屯漢中守漢樂

二城 監軍王含守樂城護軍蔣斌守漢城

炎興元年 魏景元四年 秋魏鍾會等統兵十餘萬分從斜

襄城縣志 卷三 沿革表 六

谷駱谷入寇漢中圍漢樂二城西出陽安口破關城

得藏庫積穀守將傅僉死之 是年魏修閣道

晉梁州 領郡八晉書泰始二年分益州置梁州於漢中東晉時梁州或鎮襄陽或鎮魏興不盡在漢中也

漢中郡 領縣八太康中武帝孫廸封漢王更曰漢國國除復為郡又武帝孫固亦封漢王

褒中縣

惠帝元康八年秋遣御史李苾慰勞漢中流民 苾受流民貽聽

令入巴蜀就食

懷帝永嘉元年夏五月秦州流人鄧定反寇漢中梁州

刺史張殷討之不克

殷及漢中太守杜孟治棄城走李雄將李離盡徙漢中民於蜀

五年春二月梁州刺史張光復漢中

前年王如掠漢沔光遷材官將

軍自魏興進鎮漢中

愍帝建興元年冬十月氏帥楊茂搜遣子難敵陷漢中

王如餘黨李運楊武等自襄陽將三千餘家入漢中張光遣將晉邈拒之不克乞帥於楊茂搜茂搜遣子難敵助之難敵與運武通爽攻邈等光固守自夏迄冬憤激成疾卒子邁與賊戰歿別駕范曠等率餘眾保魏興

二年春二月成主李雄陷漢中

流民楊武等大掠漢中梁州人張咸等起

兵逐楊茂搜以眾歸雄

褒城縣志

卷三

沿革表

明帝大寧元年楊難敵奔漢中

前趙石氏既破陳安難敵懼奔入漢中

成帝咸康二年成主李期遣將李壽陷漢中

晉遣建威將軍司馬

勳安集漢中壽攻之城陷遂戍南鄭而還

穆帝永和五年秋九月梁州刺史司馬勳經畧關中不

克而還

勳初屯西成退守武當時石虎死中國亂勳率眾出駱谷關中應之勳以兵少復還梁州

七年夏四月梁州刺史司馬勳率步騎三萬自漢中

入秦川與秦苻健戰於五丈原不利而還

哀帝興寧三年冬十月司馬勳反遣朱序討斬之

勳自永和

中鎮梁州為政暴酷常懷僭偽之意桓溫務相綏懷以其子康為漢中守勳逆謀已成及益州刺史周撫

卒遂擁衆入劍閣稱梁益  
二州牧温遣朱序討斬之

孝武帝寧康元年秦王苻堅陷漢中  
梁州刺史楊亮遣子廣與堅將楊安

戰敗沮水諸戍皆潰安進寇漢川  
秦將朱彤陷漢川以毛當鎮漢中

太元九年秦梁州刺史潘猛棄漢中走梁州復歸於

晉時苻堅敗於姚萇

安帝隆安元年秦置流人萬餘戶於漢中  
是為後秦舊志隆安二

年置南秦州寄治漢中

義熙二年梁州督護苻宜入漢中  
先是楊盛遣子撫據漢中

九年改襄中曰苞中縣  
移梁州治南城晉書平譙縱梁州刺史索邈治南城宋書

襄城縣志  
治漢中之苞中所謂南城也  
卷三  
沿革表

所謂南城也

宋梁州領郡二十  
別置秦州領郡十四寄治漢中

漢中郡  
領縣四

省苞中縣

文帝元嘉十年梁州刺史甄法護刑政不理帝遣蕭思

話代之未至楊難當襲梁州破白馬法護奔洋川難

當遂有漢中之地  
魏延和中難當克漢中送雍秦流民七千家於長安

十一年蕭思話遣南漢中太守蕭承之進據礮頭難

當焚掠漢中引衆西還龍驤將軍裴方明入角弩追



賊殺獲甚衆漢中平

十八年楊難當寇漢中梁秦刺史劉真道斬其將苻

冲

南齊梁州 領郡

漢中郡 領縣

高帝建元元年冬十月氐寇梁州刺史王元邁討平之

初宋末刺史范栢年說降李烏奴及遣元邁代栢年烏奴勸栢年不受代齊主使誘栢年殺之烏奴畔引

氐兵爲寇元邁討破之

明帝建武二年魏太和十九年夏四月魏軍圍漢中梁州刺史

褒城縣志 卷三 沿革表 九

蕭懿拒却之魏梁州刺史元英兵十餘萬通斜谷侵南鄭蕭懿遣將分據角弩白馬沮水英

圍南鄭六十餘日不下引兵退入斜谷

四年氐帥楊靈珍來降魏以靈珍爲南梁州刺史與武興王楊集始俱降於齊

九月魏李崇襲克武興靈珍奔漢中至東昏侯集始復降魏

梁梁州領郡武帝天監四年當魏正始二年漢中降

漢中郡 領縣

魏梁州 宣武正始二年取梁州

褒中郡 永平四年置郡領縣三

褒中縣

宣武正始二年

梁天監四年

春正月梁漢中太守夏侯道遷

以郡降魏魏以邢巒為梁秦二州刺史梁州十四郡皆入於魏

四年梁秦刺史羊祉修石門閣道

文帝是為西魏大統元年梁大同元年冬十一月魏梁州刺史元

羅降梁魏遣董紹張獻圍南鄭梁梁州刺史杜懷瑤

請救於都督蘭欽大破紹獻於高橋城

廢帝元年夏四月將軍達奚武取梁漢中先是湘東王

州刺史蕭循以南鄭與魏武率兵三萬經畧漢川循固守經年乃降

褒城縣志 卷三 沿革表 十

恭帝元年開回車路以通漢中宇文泰命崔猷等率衆鑿山堙谷五百里至于

梁州

周梁州 漢川郡 褒中縣

隋梁州 開皇初廢郡置州 漢川郡 大業初廢州置郡領八縣

褒內縣 開皇初避諱改褒中曰褒內仁壽元年因失印更給改曰褒城

唐山南西道 初為山南道開元中分西道治梁州

梁州漢中郡 開元十三年以梁涼聲近改褒州二十年尋復名梁州 天寶元年更曰漢中

郡乾元元年復為梁州領五縣

褒城縣 義寧三年改曰褒中貞觀三年復為褒城

高祖武德元年冬，羌酋旁企地叛，自南山出漢中，所過殺掠

尋伏誅

明皇天寶十五載七月，帝至河池，以隴西公瑀為山南

防禦使

後瑀自漢中洋川陸運租庸輕貨至扶風以給軍

肅宗寶應元年建卯月，羌渾寇梁州，建辰月，奴刺寇梁

州

德宗興元二年，帝幸梁州

車駕入駱谷至洋川山南西道節度使嚴震稟請拜迎既

至悉心供應五月韓滉遣使貢獻至梁州秋七月車駕還長安

升梁州為興元府

置府尹所領縣為次畿

褒城縣志

卷三

沿革表

十一

憲宗元和元年冬十月，梁州戍兵作亂，節度使柳晟慰

解之

文宗太和四年春二月，興元軍亂，殺其節度使李絳

趙存約薛齊牙將王景延皆死之

授温造興元尹，山南西道節度使

至褒城，會興元都將衛志忠、征蠻回謁，造留以自衛

密與志忠謀，又召亞將張丕、李少直，諭旨暨發褒城

以八百人為衛隊，五百人為前軍，至興元，誅賊首邱

鑄等，並官健千人

僖宗廣明元年十二月，帝次興元，義武定州軍名節度使王

處存以兵來衛

明年正月至成都

中和三年十二月忠武

許州軍名

將鹿晏宏自河中掠襄

鄧金洋至興元逐節度使牛勗自稱留後

四年冬十二月鹿晏宏棄興元走

王建韓建等五人歸田令孜遣禁兵

討晏宏走之

光啟元年春三月車駕還京師

十二月帝如鳳翔

二年正月帝入大散關復如興元次褒城以杜讓能

同平章事

朱玫李昌符使劫車駕鳳翔監軍嚴遵美迎上三年春帝如鳳翔文德元年還京

師

褒城縣志

卷三

沿革表

十二

昭宗景福元年冬十一月鳳翔軍李茂貞陷興元

茂貞表其

子繼密知興元府楊守亮遁

天復二年秋八月西川軍王建陷興元

破金牛褒城等寨以王宗

祿為興元節度

梁興元府

時為蜀王氏有改為天義軍尋復故

祖乾化元年夏四月岐兵攻興元蜀兵擊却之冬蜀主

如興元

唐興元府

褒城縣

宗同光三年克蜀

莊 閔帝廣順元年興元守將降於蜀

晉

漢

周興元府

並為後蜀孟氏有周世宗收秦鳳而不得興元

宋利州路

領三府十二州二軍南渡後分利州東路治興元

興元府

領四縣南渡後增廉水縣

褒城縣

自打鍾壩移治山河堰西北

太祖乾德二年王師伐蜀自興鳳入

高宗建炎三年宣撫使張浚治兵興元以圖中原

四年張浚遣吳玠守和尚原以拒金

褒城縣志

卷三

沿革表

十三

紹興元年以王庶為制置使節制陝西諸路知興元府

二年劉子羽守興元

三年金兵入興元由褒斜谷還子羽吳玠追破之

孝宗乾道三年以虞允文為四川宣撫使

開府漢中

寧宗開禧二年興元軍亂宣撫使程松棄興元歸

嘉定十二年

金興定二年

金人破武休關入興元都統張

威遣將破金兵於大安軍金人遂去興元

三月興元軍士張福作亂以安丙為宣撫使討平之

理宗端平三年蒙古攻武休關敗都統李顯忠軍遂入興元

元陝西行省漢中道

興元路 領鳳金洋三州四縣

褒城縣 徙治於山河堰東南五里

順帝至正十七年偽宋將白不信等陷興元陝西左丞

察罕特穆爾擊走之

二十二年夏五月明玉珍寇興元參政徹爾特穆爾

擊敗之

褒城縣志 卷三 沿革表

明陝西布政司 領八府 成化十二年始設鄖陽撫治兼轄漢中 又設漢中監司 崇禎十

七年議設漢中巡撫

漢中府 洪武三年改興元路為漢中府領二州十四縣萬曆中以興安為直隸州別領六縣 正

統元年設漢中都指揮使

褒城縣 還宋舊治洪武十年省入南鄭縣尋復置

太祖洪武三年夏四月大將軍徐達遣裨將金興旺張

龍由鳳翔入連雲棧與傅友德合兵攻興元元守將

迎降達留興旺龍鎮守之秋七月偽夏吳友仁寇興

元金興旺固守傅友德率兵三千趣黑龍江攻斗山

岩夏兵夜遁

二十三年羌民田九成作亂 三十年武定侯郭英

平漢中賊

憲宗成化元年夏鄖西賊掠漢中

漢中賊首李鬍子劫掠甚銳四年巡撫馬

文升翦除之

武宗正德四年蜀賊寇漢中 六年巡撫藍章總制洪

鍾討平之

是時巡撫移駐漢中其後彭澤代洪鍾總督川陝亦駐漢中

世宗嘉靖十年妖賊徐志明倡亂巡撫劉天和副使劉

一正討平之

褒城縣志

卷三

沿革表

十五

熹宗天啟七年瑞王就國漢中

懷宗崇正元年陝西盜起副使劉應遇率兵入漢中敗

賊走之

七年賊逼漢中褒城知縣易道粹斷棧道守鷄頭關

總督洪承疇擊賊走之六月總督陳奇瑜遣游擊唐

通防漢中以護藩副將楊正芳余世任隄褒城防賊

北遁遂擊賊於興安車箱峽

賊為降復縱之出

八年春正月賊復入漢中夏侯良柱破賊於鳳縣膏

文詔白漢中逐賊賊走靜寧泰安

十二月鴉黎參將羅于萃擊賊漢中

敗走之

九年三月賊高迎祥等自興安入漢中

秋七月孫傳庭擒迎祥

九月賊陷褒城知縣茹秉忠死之 冬賊犯漢中瑞

王遣使乞師侯良柱督兵與他將却之

十年賊小紅狼圍漢中瑞王告急賀人龍由兩當趨

救賊解去

十一年六隊賊為曹變蛟所破走漢中阨於左光先

皆降

惟自成東遁

十二年張獻忠奔興安為張令所扼不得入漢中乃

褒城縣志

卷三

沿革表

十六

轉寇夔州

十三年張獻忠羅汝才趨保寧謀入漢中賀人龍趙

光遠阨之陽平

十六年李自成入西安偽帥田見秀陷漢中瑞王常

浩走重慶

本朝陝西省

領八府 雍正中分平涼等府為甘肅省今陝西省領七府五州

漢中府

領一州八縣今增留壩等三廳

褒城縣

府城西北四十里

順治二年遣寇賀瞻據漢中漢羌道胡全方募兵却之



眈復人寇知府楊可經董應徵堅守總督孟喬芳遣  
兵來援大破賊於桃園壩三年吳三桂移鎮漢中

康熙十三年吳逆寇漢中偽帥譚宏據褒城王屏藩營

長寨

十四年吳逆陷漢中偽帥張應龍分據褒城

十八年大將軍圖海奮威將軍王進寶恢復漢中追

賊至保寧奪回子女諭各主識領之

嘉慶三年川楚教匪擾漢中官軍擊走之

十九年岐山廂匪擾漢中官軍討破之於黃官嶺

褒城縣志

卷三

沿革表

十七

按褒城漢為郡尉治晉宋間為梁州治北魏為褒中  
郡治固巖邑也負秦而蜀左隴右荆最近郡城故漢  
中事並錄如右

